

Proteksinvisa

Brifing dek



Sensim toktok abaotim **Protection visas**



Australian Government



Introdaksin

Protection visa (Proteksin visa) (sabklas 866) hem fo jenuin asaelam siikas hu feisim riul risk blo bikfala haam oa pesikiusin lo hom.

Ostreilian Gavman hem lonjim kampein fo edukeitim pipol abaotim Protection visas en oketa konsikuensis fo oketa wea traee fo eksploitim program ia.

Protection visas misinfomeisin hem grou en spred turuaot lo komiunitis, inkludim oketa pipol blo Pasifik en Timo Lest wea stap lo Ostreilia en ovasis.

Tisfala misinfomeisin hem save karem sirias konsikuensis fo Protection visa aplikants en familis blo oketa.

Kampein ia hem aim fo provaedim infomeisin en tuls wea hem nided fo stopem misinfomeisin fo spred en fo meksua oketa komiunitis tekem advaes oketa nidim.

Fo waka aigensim misinfomeisin, Dipatment blo Hom Afeas hem provaedim [fri ligol advaes](#) from spesilist refiuji en imigreisin ligol provaedas lo eniwan tinktink fo aplae fo Protection visa.

Tisfala advaes bae heolpem pipol fo faen aot if oketa elijibol fo Protection visa, en ridiusim risks wea kam taem oketa iusim anrejistad maegreisin eijent hu mei bi givim oketa inkorekt advaes.

Misinfomeisin abaotim Protection visas

Protection visas hem fo oketa jenuin asaelam siikas (en famili membas blo oketa) hu feisim riul risk blo bikfala haam if oketa go baek lo hom blo oketa oa oketa karem turufala fia dat bae pesikiusin kasim oketa lo beisis blo reis, rilijin, nasinaliti, memba blo wantaep sosiol grup oa karem politikol tinktink.

Protection visa hem no fo oketa pipol hu laek fo stei long taem lo Ostreilia for waka.

Anrejistad maegreisin advaesas hu promoutim sevesis blo oketa lo soisol midia en lo onlaen jat grups, oketa talem pipol fo iusim Protection visa osem wei fo waka en ekstendim stap blo oketa lo Ostreilia.

Oketa advaesas ia mei talem oketa aplikants ia fo givim fols oa misliding infomeisin en fols dokuments taem aplae fo Protection visa. Samfala sasim taosins of dolas fo inkorekt advaes.

Lo Ostreilia, hem aigensim loa fo peson fo sas fo maegreisin advaes anles oketa i rejistad maegreisin eijent oa Ostreilian ligol praktisina.

Samfala employeas mei ofarem waka opotiunitis lo Ostreilia wea oketa talem temporari visa holdas fo aplae fo Protection visa iusim fols oa misliding infomeisin.

Stiudents tu, samfala talem oketa dat oketa save stei long taem en waka lo Ostreilia taem oketa aplae fo Protection visa wetim fols oa misliding infomeisin.



Risks blo misinfomeisin

Bikfala jensis nao oketa mekem lo Protection visa sistem fo spidim ap prosesing taems. Tiswan minim dat pipol wae aplae fo Protection visa fo waka en ekstendim stei blo oketa lo Ostreilia bae oketa kuiktaem nomoa rifiusim.

Staka lo oketa niu Protection visa aplikeisins ia, oketa mekem disisins lo hem aroun **8 taems fasta** taem kompearem wetim risent ias. Pipol wea sabmitim Protection visa aplikeisin wetim fols oa misliding infomeisin bae feisim nao sirias konsikuensis, inkludim bikfala faens en posibol prisin taem.

RifiUSD Protection visa aplikeisin bae stei nao lo imigreisin rekod blo peson ia. Tiswan hem minim dat bae hem hati fo aplikant en famili blo hem fo save kam baek lo Ostreilia ivin if oketa lo visita, student or temporari waka visa.

Hem save also impaktim fiuja visa aplikeisin lo oketa nara kanderes araon lo wol, dipending lo wat taep visa nao aplikant aplae fo.

RifiUSD Protection visa aplikants kanot aplae fo moust lo oketa nara visas en bae nid fo livim Ostreilia. If oketa no karem valid visa, Australian Border Force maet diteinim en rimuvim oketa. Aplikant ia maet also peim baek nao kost blo rimuvol blo oketa wea hem save kasim taosins of dolas.

Tisfala ia, Australian Border Force hem statim niufala opereisin wea hem fokus lo detensin blo oketa rifiUSD Protection visa aplikants wea temporari visa blo oketa hem ekspaea, en rimuvim oketa from Ostreilia. Tisfala opereisin hem gogohed.

Hao iu save heolp

Big namba lo Protection visa aplikeisins nao no saksesful taem kompearem wetim saksesful wans. En aplikants from Pasifik en Timo Lest nao karem haest reits lo rifiusol.

Protection visa aplikesins from Pasifik en Timo Lest pipol nao karem samfala lo haest rates blo rifiusol. Fo plenti lo kanderes ia, moa dan 90% of aplikeisins wea oketa faenalaesim lo 2023-24 hem no mitim nao rikuaeamens en oketa rifiusim.

Komiunitis en oganaeseisins lo Ostreilia karem impotent waka fo duim fo priwentim nao spred blo misinfomeisin lo oketa wea tinktink fo aplae fo Protection visa.

Tiswan inkludim spredim aweanes abaotim risk taem submitim fols oa misliding infomeisin lo visa aplikeisin en iusim anrejistad maegreisin advaes.

Talem oketa posibol aplikants dat Protection visas hem fo oketa wea i jenuin asaelam siikas – oketa no fo pipol wea laek fo stei long taem lo Ostreilia fo waka.

If samwan wea aplae fo Protection visa askem iu fo raetim sapot leta for hem, iu shud onli duim tiswan if iu biliv oketa jenuin asaelam siika – tiswan hem minim dat oketa feisim risk blo bikfala haam oa jenuin fia dat bae pesikiusin kasim oketa taem oketa go baek hom.

Enkarejim oketa fo aksesim [fri ligol advaes](#) from spesialist refiuji en imigreisin ligol provaeda lo steit oa teritori blo oketa.

Hao iu save heolp

Staka pipol wea tinktink fo aplae fo Protection visa no awea oa no andastandim dat konsikuensis stap ia if oketa go baek lo kandere wea oketa siikim proteksin blo Ostreilia from.

Jekim dat posibol Protection visa aplikants hem andastandim dat:

- If oketa lodjim Protection visa aplikeisin, bae oketa save no eibol fo travol lo kandere oketa siikim proteksin blo Ostreilia from, ivin if famili blo oketa stei lo dea.
- If oketa tekem Protection visa, oketa kanot travol lo kandere oketa lukaotem asaelam from witaot pemisin from Ostreilian Gavman, ivin if famili blo oketa liv lo dea.

Enkarejim eniwan wea tinktink fo aplae fo Protection visa fo aksesim fri ligol advaes from spesolist refiuji en maegreisin ligol provaedas lo steit oa teritori blo oketa.

Tisfala advaes save heolpem aplikants faen aot if oketa mei bi elijibol fo Protection visa, ekspleinim aplikeisin proses en heolpem oketa fo andastandim negetiv konsikuensis if Protection visa aplikeisin blo oketa i bin rifiusd.

Hao Ostreilian Gavman save Heolpem komiuniti blo iu

Mifala enkarejim iu fo searem oketa foloing mesejis wetim eniwan wea tinktink fo aplae fo Protection visa:

1. Visitim ofisol [Ostreilian Gavman websaet](#) fo faenim aot moa infomeisin.
2. Aksesim [fri ligol advaes](#) from spesolist refiuji en maegreisin ligol provaedas lo steit oa teritori blo iu.
3. Luk fo rejistad maegreisin eijent taem iu jekim [Ofis blo Maegreisin Eijents Rejistreisin Atoriti](#)
4. Protektim iuseleva en komiuniti blo iu. Anonimosli ripotim anloful maegreisin advaesas io [Ostreilia's Boda Wats](#).
5. Faen aot weta [nara visa opsins](#) hem maet bi raet fo iu.

Dipatment blo Hom Afeas hem mekem poustas, fakt shiits, soisol midia tael en samfala moa matiriols wea iu save iusim fo heolpem toktok wetim komiunitis abaotim Protection visas.

[Iu save aksesim oketa ia lo hia.](#)

Advaes lo hao fo respon lo negativ soisol midia komens

**Staka misinfomeisin nao abaotim
Protection visas wea i bin go aot lo pipol
stei lo Ostreilia en oketa wea stei ovasis lo
soisol midia platfoms en grups.**

If iu lukim misinfomeisin abaotim
Protection visas oketa searem lo onlaen
forums oa grups, iu karem impotent
opotiuniti fo aedentifaem osem
misinfomeisin en promoutim raet
infomeisin wea hem bin sead lo hia,
inkludim ofisol link–
homeaffairs.gov.au/protection

Protektim iuseleva en komiuniti blo iu
taem iu spredim aweanes lo risks wea i
hapen taem samwan hem sabmitim fols
oa misliding infomeisin lo Protection visa
aplikeisin oa iusim anrejistad maegreisin
advaesa.

Hem impotent tumas fo enkarejim posibol
aplikants fo aksesim [fri ligol advaes](#) osem
fest step.



Tenk lu

fo patisipeiting

